

04. april 2019

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

- 1. Naalackersuisut paasissutissiissutigisinnaavaat sakkortuumik amerluutillit qanoq katsorsagaasarnersut?**
- 2. Napparsimareersut eqqarsaatigalugit, pisariaqarsinnaasarpa taamatut sakkortuumik amerluutillit amerluttarnermut immikkut ilisimasalinnut innersuunneqarnissaat soorlu Nuummukartillugit, erseqqissumillu nappaatip suussusianik paasisaqarnissaq katsorsagaanissarlu anguniassallugu? Imaluunniit allamukartinneqarsinnaapat?**
- 3. Innuttaasut arlallit saaffiginnittarsimapput ernumallutik, allaallumi misileraatigineqartutut atorineqartutut misigisimallutik. Naalackersuisut inunnik napparsimasunik misileraanissamik anguniagaqarpat? Naalackersuisut naapertuussorivaat innuttat ilai misileraatitut atorineqarlutik misigilersimammata? Taamaassimappat Naalackersuisut qanoq iliuseqarsinnaappat tamanna illuatungilerlugu?**

(Inatsisartunu ilaasortaq, Laura Táunâjik, Siumut)

Tungavilersuineq:

Innuttaasut sakkortuumik amerluutillit, maanilu najugaqavissut, peqqinnissaqarfimmillu sumiiffinni arlalinni saaffiginnittaqaataarsimagaluartut, tamassa qinikkanut saaffiginnillattaalerput ajornatorsiutiminnik aniguineq sapilermata.

Peqqinnissaqarfimmi taamaallaat iisartakkanik tarngutinillu assigiinngitsunik ikiorneqartarsimapat ingasattajaartumik amerluuteqaraangata. Napparsimasut sakkortuumik amerluutillit, kattutilersimapput ataatsimoorussaminnik allagaqarniarlutik, atsiortareersimavaat napparsimasunullu ilitersuisartunut nassiussimallugit ikioqqugaluarnermik, ajoraluartumillu ikiorneqarnissaminnik itigartitaasimapput, najugarisaminni peqqinnissaqarfeqarfiusumut saaffiginneqqullugit.

Innuttaasortavut sakkortuumik amerluutillit, taamatut eqqortumik katsorsagaasinnaanginneri, aammalu misileraatigineqarnerat, imatut apeqquteqaateqartilerpaanga:

Peqqinnissaqarfimmi periarfissiisoqarpa, innuttaasunut sakkortuumik amerluutilinnut eqqortumik katsorsaanissamut?

Sakkortuumik amerluutillit ulluinnarni inuunerminni qanoq sakkortutigisumik inuuneqalertarnerat pillugit tusakkat ilungersuummarnarput. Ilaqarput allaat ulluinnarni inuunerminni erloqisunik, anniartuaannartunik, nikallortunik ilalumi allaat inuunerminni nuannarisaaruttunik. Peqqinnissaqarfimmut saaffiginnittaraluarnertit annermik misileraaffigineqarnertut misigititsisarsimapput. Naak ilaqaraluartut allaat amerluuteqarnertik pillugu napparsimavinnut unittariaqartartunik, tarajulersortittartunik.

Kinisimaartinneqaannarnikkut amerluut qaangerneqarsinnaangilaq, periuserli tamanna ataasiinnaangittumik atorneqartarsimasoq paasisat ilagivaat. Silap nillertinnerani amerlunneq sakkortoog pissutigalugu pullattoorujussuarnerit pisarsimapput. Nerisat allaat allanngortittariaqartarsimapput suanngartuunnginnissaq pinaveersimatinniarlugu. Ilaqarpullu amerluutip sakkortuup piliaanik isigiarsulersimaneq, amerluutip niaqqumiinnera pillugu. Allaallumi ilaqarput assamikkut sakkortuumik amerluuteqarnertik pillugit iluamik sulisinnaajunnaarsimasunik. Taakku inuit saaffissaaleqipput iluamik ikiorneqarnissamik ornissinnaasaminnik. Tamanna akiuersaaruminaappoq, inuit napparsimanertik pillugu nakorsiartarput naatsorsuutigalugu ilumut eqqortumik ikiorneqarnissaq. Tamannali ajoraluartumik puaannarsimangilaq. Taamaattumik paaserunnarpoq Naalakkersuisut qanoq annertusisamik ikiorneqarsinnaanersut.

Apeqquteqaatimma ullut suliffiusut qulit iluanni akineqareersimanissaat kissaatigaara